

文苑英華卷第三百三十六

歌行六

酒

獨酌謠一首

勸酒二首

惜空罇酒一首

醉歌十首

致酒行一首

秦王飲酒一首

酒肆行一首

四不如酒一首

獨酌謠

沈煙

獨酌謠獨酌謠獨酌獨長謠智者不我顧愚夫余不要不
 愚復不智誰當余見招所以成獨酌一酌一傾瓢生涯本
 漫漫神理暫超超再酌矜許史三酌傲松喬類煩四五酌
 不覺凌丹霄倏忽集作賦五鼎俄然賤九韶彭殤無異塋



夷跖可同朝龍夔非不屈鵬鷃本逍遙寄語號呶侶無乃
太塵囂

勸酒二首

白居易集無此篇

昨與美人對罇酒朱顏如花腰似柳今與美人傾一盃秋
風颯颯頭上來年光似水向東去兩鬢不禁白日催東隣
起樓高百尺璇題照日光相射珠翠無非一作緋衣二八人盤
筵何啻三千客隣家儒者方下帷夜誦古書朝忍飢身年
三十未入仕仰望東隣安可期一朝逸翮乘風勢金榜高
張登上第春闈未了冬登科九萬搏風誰與繼不逾十稔
居台衡門前車馬紛縱橫人人仰望在何處造化筆頭雲
雨生東隣高樓色未改主人一作父云亡息猶在金玉車輿

一不存朱門更有何人待墻垣反鎖長安春樓臺漸漸屬
西隣松篁薄暮亦棲鳥一作鳥棲鳴桃李無情還笑人憶昔東
隣宅初構雲霓彩棟皆非舊瑋瑋筵前翡翠棲芙蓉池上
鴛鴦鬪日往月來凡幾秋一衰一盛一作皆何悠悠但教帝
里笙歌在池上年年醉五侯

二

勸君一盞集作盃君莫辭勸君兩盞集作盃君莫疑勸君三盞
集作盃君始知面上今日老昨日心中醉時勝醒時天地迢
迢日集作白長久白兔赤烏相趁走身後堆金到集作柱北斗
不如生前一樽酒君不見春明門外天欲明誼誼集作喧歌
哭半死生遊人駐馬出不得白輦紫車爭路行歸去來頭

已白典錢將用沽酒喫

惜空罇酒

一作將進酒見一百九十二卷

李白

梁園醉歌

集作梁園吟

前人

我浮黃河去京闕挂席欲發

集作往一作遊

波連山天長水闕厭

遠涉訪古始及平臺間平臺為客憂思多對酒

集作對來遂作

梁園歌却憶蓬池阮公詠因吟淶水揚洪波洪波浩蕩迷

舊國路遠西歸安可得人生達命豈假愁宜飲美酒登高

樓平頭奴子搵大扇五月不熱如

集作疑

清秋素

集作玉

盤楊

梅為君設吳鹽如花皎如雪

一作白如雪

持鹽把酒但飲之勿

莫學夷齊事高潔昔人豪貴信陵君今人耕種信陵墳荒

城虛

集作遠

照碧山月古木盡入蒼梧雲梁王賓客

集作宮闕今

宴在牧馬先歸不相待舞影歌聲散淶池空餘汴水流東

海沉吟此事淚滿衣黃金買醉未能

集作莫言

歸連呼五白投

一作行

六博公曹賭酒看

集作酣

馳輝

或馳作清輝

看馳輝歌且謔

意方遠東山高卧還

一作時又作忽

起來欲濟蒼生未應晚

此詩三百四十三卷重出今已削去注意異同為一

作

湖城東遇孟雲卿復歸劉顥宅宿宴飲散因為醉歌

行

杜甫

疾風吹塵暗河縣行子隔手不相見湖城城東

集作南

一開

眼駐馬偶識雲卿面非劉顥為地主懶廻鞭轡成高

城宴劉侯歎我携客來

集作歡

置酒張燈促華饌且將款曲

終今夕休話集作艱難尚酣戰照室紅鑪簇曙花集作促

紫窓素月垂秋集作練天開地裂長安春集作寒盡春一作

會合不可常庭樹鷄鳴淚如霰集作前人所

蘇端薛復筵簡薛華醉歌 前人

文章有神交有道端復得之名譽早愛客蒲堂盡豪翰集

傑開筵上月集作思芳草安得健步移遠梅亂插繁集

晴吳千里猶殘舊冰雪百壺且試開懷抱垂老惡聞戰鼓

悲急觴為緩憂心擣少年努力縱談笑看我形容已枯槁

座中薛華能集作醉歌醉歌集作自作風格老近來海內

無集作長句汝與山東李白好何劉沈謝力未工甫集作

兼鮑昭黎集作絕倒諸生頗盡新知樂萬事終傷不自保

氣酣日落西風來願吹野水注集作金盃如繩之酒常快

意未集作知窮達集作安在哉忽憶雨時秋井塌古人白

骨生青苔如何不飲令心哀 井塌集作前人

醉歌行一作醉時歌贈廣前人

諸公衮衮登臺集作省廣文先生官獨冷甲第紛紛厭梁

肉廣文先生飯不足先生有道出羲皇先生有才集作先

又作過屈宋德尊一代常坎軻集作名垂萬古知何用杜

陵野客人更嗤被褐短窄鬢如絲日糴太倉伍升米時赴

鄭老同襟期得錢即相覓沽酒不復疑忘形到爾汝痛飲

真吾師清夜沉沉動春酌燈集作前細雨簷集作花落但

文苑英華

覺高歌有集作鬼神焉知餓死填溝壑相如逸才親滌器
子雲識字終投閣先生早賦歸去來石田茅屋荒蒼苔儒
術於我何有哉孔丘盜跖俱塵埃不須聞此意慘愴生前
相遇且啣盃

醉歌行

別從姪勤
落第歸

前人

陸機二十作文賦汝更少年能綴文總角草書又神速世
上兒子徒紛紛驛騶作駒已汗血鷲鳥舉翮連青雲詞源
倒流三峽水筆陣獨掃千人軍只今年集作纔十六七射
策金門期第一舊穿楊葉真自知暫蹶霜蹄未爲失偶然
擢秀非難取會是排風有毛質汝身已一作見唾成珠汝
伯何由髮如漆春光澹沲待可切秦東亭渚浦牙白水蒼青

風吹客衣日杲杲樹攪離思花冥冥酒盡沙頭雙玉瓶衆

賓皆

集作

醉我獨醒乃知貧賤別更苦吞聲躑躅涕淚零

晦日賀蘭傳楊長史筵醉歌

前人

樂遊古園萃森爽烟綿碧草萋萋長公子華筵勢最高秦
川對酒平如掌長生木瓢示真率更調鞍馬雄集作歡賞

青春波浪芙蓉園白日雷霆夾城仗閭闔晴開訣集作蕩

蕩曲江翠幕排銀榜拂水低廻舞袖翻綠雲清切歌聲上

却憶年年人醉時只今未醉已先悲數莖白髮那拋得百

罰深盃亦

一作

不辭聖朝

一作

亦知賤士醜一物但

集作

荷皇天慈此身飲罷無歸處獨立蒼茫自詠詩

醉行歌贈公安縣顏十少府

前人

神仙中人不_易得顏氏之子才孤標天馬長鳴待駕馭秋
鷹整翻當雲霄君不見東吳顧文學君不見西漢杜陵老
詩家筆勢君不嫌詞翰升堂為君掃是日風霜凍七澤鳥
蠻落照銜赤壁酒酣耳熱忘白頭感君意氣無所惜醉歌
行歌主客集作一為辭
醉歌主客

九日宴集醉題郡樓燕呈周殷二判官 白居易

前年九日在餘杭呼賓命宴虛白堂去年九日到東洛今
年九日來吳鄉兩邊蓬鬢一時白三處菊花同色黃一日
日知添老態集作病一年年覺惜重陽江南九月未搖落柳
青蒲綠杭稻香姑蘇臺榭傍蒼藹太湖山水含清光可憐
暇日集作假好天氣集作色公門吏靜風景涼榜舟鞭馬取賓

客掃樓拂席排壺觴胡琴錚撥指撥刺吳姬細集作美麗眉
眼長笙歌一曲思凝絕金殿拜拜光低昂日脚欲下集作落
備燈燭風頭漸高加酒漿觥盞灩翻齒苜蓿集作葉舞鬟擺
落茱萸房半酬凭檻起西望集作顛七堰八門六十坊遠近
高低寺間出東西南北橋相望水道脉分掉鱗次里閭碁
布城冊方人煙樹色無隙罅十里一片青茫茫自問有何
才與政高廳大館居中央銅魚乃今澤國節刺史自古吳
都王郊無戎馬郡無事門有祭戟腰一作金有章盛時儻來
合慚愧壯志集作歲忽去還感傷從事醒歸應不可使君醉
倒亦何妨請君停盃聽此集作我語此語真實非虛狂五句
已過不為天七十為期蓋是常須知菊酒登高會從此無

多二十場

池陽醉歌贈匡廬處士姚巖傑 顧雲

九華太守行春罷一作高絳紅筵壓花榭四面繁英拂檻

開帖雪團霞墜枝亞空中焰若燒藍天萬里滑靜無纖煙

絃索緊快管聲脆急曲碎拍聲相連主人憐才多傾與許

客酣歌露真性春耐耐香濃枝盞粘一醉有時三日病龜潭

鱗粉解不去鴉嶺藥花澆不醒肺枯似著爐鞴煽腦熱如

遭鎚鑿釘蒙溪先生梁公孫忽然示我十軸文展開一卷

讀一首四顧特地無涯垠又開一軸讀一帙酒病豁若風

驅雲文鋒幹破造化窟心刃掘出興亡根經疾史恙萬片

恨墨灸筆針如有神呵叱潘陸鄙瑣屑提挈揚孟歸孔門

時時說及開元理家風颯颯吹人耳吳競纂出昇平源十

事分明鋪在紙喬孫才業今如此誰人為奏明天子鑿駕

何當獵左馮神鷹一擲望千里戲操征翰浣蠻戕傍人莫

笑我率然

餘杭醉歌贈吳山人 丁仙芝

曉幙紅襟鷺春城白項烏只來梁上語不向府中趨城頭

坎坎鼓聲曙蒲庭新種櫻桃樹桃花昨夜撩亂開當軒發

色映樓臺十千兌得一作十餘杭酒二月春城長命盃酒

後留君待明月還將明月送君廻

致酒行至日長安 李賀

零落恹惶集作一杯酒主人奉觴客長壽主父西遊困不

歸家人折斷門前柳我集作吾聞馬周昔作新豐客天荒地
老無人識空將牋上兩行書直犯龍髯集作顏請恩澤我有
迷魂招不得雄鷄一聲天下白少年心事當拏雲誰念幽
寒坐嗚呃

秦王飲酒

前人

秦王騎虎遊八極劍光照空天自碧羲和敲日玻璃聲劫
灰飛盡今太平集作古今龍頭馮酒邀酒星金槽琵琶夜枵枵
洞庭雨脚來吹笙酒酣喝月使倒行銀雲櫛櫛瑤殿明宮
門掌事報一更花樓玉鳳聲嬌獍海綃紅文香淺清黃鞵
集作鵝跌舞千年觥仙人燭樹蠟煙輕青春集作青琴神女也醉眼
淚泓泓

酒肆行

常應物

豪家沽酒長安陌一旦起樓高百尺碧疏玲瓏含春風銀
題綵幟邀上客迴瞻丹鳳闕直視樂遊苑四方稱賞名已
高五陵車馬無近遠晴景悠揚三月天桃花飄俎柳垂筵
繁絲急管一時合他墟酒集作隣肆何寂然主人無厭且專
利百斛一釀斯湏美集作湏史一壺費初釀後薄為大偷飲者知
名不知味深門潛醞客來稀終歲醇醲味不移長安酒徒
空擾擾路傍過者集作去那得知

四不如酒

集作珠木曲

白居易

莫買寶剪刀虛費千金直我有心中愁知君剪不得莫磨
解結錐虛勞人氣力我有腸中結知君解不得莫染紅絲

線徒誇好顏色我有雙淚珠知君穿不得莫近紅爐火炎
氣徒相逼我有兩鬢雪知君銷不得刀不能剪心愁錐不
能解長結線不能穿淚珠火不能銷鬢雪不如飲此神聖
盃萬念千憂一時歇

校正六十六字

文苑英華卷第三百三十六

文苑英華卷第三百二十七

歌行七

草木

茶四首

牡丹二首

薔薇一首

枸杞一首

苔一首

松二首

栢一首

柳三首

橘二首

柗子一首

梅一首

道邊樹一首

美人嘗茶行

崔珣

雲鬟枕落困泥春法去聲玉郎為碾瑟瑟塵閑教鸚鵡啄窻詩
和嬌扶起濃睡人銀瓶貯泉水一掬松雨聲來乳花熟朱

唇啜破綠雲時咽入香喉爽紅玉明眸漸開橫一作秋水
手撥絲篁醉心起臺時一作前却坐推金箏不語思量夢中
事

飲茶歌請崔石使君

釋皎然

越人遺我剡溪一作山茗採得金芽爨金鼎素瓷雪色飄一作

縹沫香何似諸仙瓊藥漿一飲滌昏寐情思爽朗滿天地

再飲清我神忽如飛雨灑輕塵三飲便得道何須苦心破

煩惱此物清高世莫知世人飲酒徒多一作愁自欺好一作看

畢卓甕間夜笑向陶潛籬下時崔侯啜之意不已狂歌一

曲驚人耳孰知茶道全爾真唯有丹丘得如此

飲茶歌送鄭客

前人

丹丘羽人輕玉食採茶飲之生羽翼天台記云丹丘出名

藏仙府世莫知骨化雲宮人不識雪山童子調金鑄楚人

茶經虛得名霜天半夜芳草折爛漫細花啜又生常說一作

續此茶祛我疾使人胷中蕩憂慄日上香爐情未畢亂踏

虎溪雲高歌送君出

採茶歌一作紫

秦韶玉

天柱香芽露香發爛研瑟瑟穿荻蔑太守憐才寄野人山

童碾破團圓月倚雲便酌泉聲煮獸炭潛然蚌珠吐看着

晴天早日明鼎中颯颯篩風雨老翠香塵下纔執攪時繞

筋天一作愁雲綠耽書病酒兩多情坐對閩甌睡先足洗我

胷中幽思清鬼神應愁歌欲成

和李中丞慈恩寺清上人院牡丹花歌 權德輿

澹蕩韶光三月中牡丹偏自占春風時過寶地尋香逕已

見新花出故叢曲水亭西杏園北濃芳深院紅霞色擢秀

全勝珠樹林結根幸在青蓮域艷蔡仙集作房次第開含

煙洗露昭蒼苔麗眉倚杖禪僧起輕翹索枝舞蝶來獨坐

南臺時共羨閑行古刹情何已花間一曲奏陽春應為芬

芳雜詠作比君子

牡丹芳 白居易

牡丹芳牡丹芳黃金藥綻紅玉房千片赤英霞爛爛百枝

絳焰集作燈煌煌照地初開錦綉段當風不結蘭麝囊仙

人琪樹白無色王母桃花小不香宿露輕盈泛紫艷朝陽

照耀生紅光紅紫二色間深淺向背萬態隨低昂映葉多

情隱羞面卧叢無力含醉粧低嬌笑容疑掩口疑思怨人

如斷腸濃姿貴彩信竒絕雜卉亂花無比方石竹金錢何

細碎芙蓉芍藥苦尋常遂使王公與卿士遊花冠盖日相

望痺車軟輦貴公子集作香衫細馬豪家郎衛公宅靜閑

東院西明寺深開北廊戲蝶雙舞看花集作久殘鴛一聲

春日長共愁日照芳難駐仍張帷集作幕垂陰涼花開花

落二十日一城之人皆若狂三代已還文勝質人心重華

不重實重華直至牡丹芳其來有漸非今日元和天子憂

農桑卹下動天天降祥去歲嘉禾生九穗田中寂寞無人

至今年瑞麥分兩岐君心獨喜無人知可歎息我願暫求

陳生

造化力減却牡丹妖艷色少回卿士一作看花心同

助集作吾君愛稼穡

明月湖醉後蓄薇花歌

英才

萬朶當軒紅燭燭晚陰照水塵不着西施醉後情不禁侍
兒扶下藥珠閣柔條嫩葉一作輕鯁一低一昂合又開
深紅淺綠狀不得日斜池畔香風來紅能柔綠能軟濃淡
參差相宛轉舞蝶雙雙誰喚來輕綃片片何人剪白髮使
君思帝鄉驅妻領女遊花傍持盃憶着曲江事千花萬葉
垂宮墻復有同心初上第日暮華筵移水際笙歌日日微
教坊傾國名娼盡佳麗我曾此處同諸生飛盃落盃紛縱
橫將欲得到上天路剛向直道中行去一朝失勢當如此

萬事如灰壯心死誰知奏御數萬言翻割龜符四千里
夫達則賢窮則愚胡為紫胡為朱莫思身外窮通事且醉
花前一百壺

湛處士枸杞架歌

釋皎然

天生靈草生靈地設生人間人不貴獨君井上有一根始
覺人間衆芳異拖綠垂絲宜曙看徘徊滿架何珊珊春風
亦解愛此物裊裊時來傍香實濕雲綴葉擺不去翠羽啣
花驚畏失青羨孤松不凋色皇天正氣肅不得我獨全生
異此輩順時榮落不相背孤松自被斧斤傷獨我柔枝保
無害黃油酒囊石碁局吾湛生心出世俗擷芳坐影風洒
懷其致翛然此中足

水地五八卷

四

五

苔歌

顧雲

檻前溪奪秋空色百丈潭心數砂礫松筠一作籟條條長碧

苔苔色碧於溪水碧波迴梳開孔雀尾根細貼着盤陀石

撥浪輕拈出少時一髻濃煙三四尺山光日華亂相射靜

縷藍鬢勻裝積試把臨流一作風抖擻看瑤璃珠子淚雙滴

如看玉女洗頭處解破雲鬟收未得即是仙宮欲製六銖

衣染絲未倩鮫人織採之不敢盈筐篋苦把龍神河伯惜

瓊蘇玉鹽爛漫煮噉入丹田續靈液會待功成挿翅飛蓬

萊頂上尋仙客

風入松

釋皎然

西嶺松聲落日秋千枝萬葉風颺颺美人援琴弄成曲寫

得松間聲聲斷續清我魂流波壞陵安足論美人夜坐月明

裏含少商兮點清徵風淒清兮何飄颻攪寒松兮又夜起

夜未央曲何長金徽更促聲泱泱何人此時不得意意苦

絃悲聞客堂

澗底松

白居易

青松百尺大十圍生在澗底寒且卑澗深山險人路絕老

死不逢工度之天子明堂欠梁木集作棟彼求此棄俱集作此求

彼有不知誰喻蒼蒼造物意但與之材不與地金張世祿

黃憲賢集作黃憲貧牛衣黃憲本牛醫兒寒賤貂蟬貴貂蟬與

牛衣高下雖有殊高者未必賢下者未必愚君不見沉沉

水海集作海底生珊瑚歷歷天上種白榆

古栢行

杜甫

孔明廟前有老栢柯如青銅根如石霜皮溜雨四十圍黛
色參天二千尺君臣已與時際會樹木猶為人愛惜雲來

氣接巫峽長月集作日出塞通雪山白憶昨路繞錦城一作亭

東先主武侯同閔宮崔嵬枝幹郊原古窈窕丹青戶牖空

落落盤踞雖得地冥冥孤高多烈風扶持自是神明力正

直元因造化功大厦如傾要梁棟萬牛回首丘山重不露

文章世已驚未辭剪伐誰能送苦心豈免容螻蟻香一作密

葉終經宿鸞鳳志士幽人莫怨嗟一作傷古來材大難為一作

皆用難

楊柳歌

庾信

河邊楊柳百尺枝別有長條窈窕地垂河水衝激根株色一作

危倏忽河中風浪吹可憐巢裏鳳凰兒無故當年老別離

流槎一去上天池織女支機應見隨誰信從來陰數國直

用東南一小枝昔日公子出南皮駿馬翩翩西北馳左右

彎弧仰月支何處相尋玄武陂鳳凰新簫管史吹朱鳥春

意瑟玉女窺銜雲酒盃赤碼礪照日食螺紫琉璃君言丈夫

無志氣為問燕山那得知百年霜露掩離披一旦功名不

可為定是懷王作計媿無事翻覆用張儀武昌南城誰可

移官渡營前那得知尚憶落絮鵝毛色無復青絲馬尾垂

各與梅花番一曲共在長笛管中吹

門前柳

門前蜀柳先知春風澹暖煙愁殺人將謂止栽群樓下不知迤邐連南津南津柳色連南一作市南去戎州三百里

夷岷蠻落相連接故鄉莫道心先死我今帝里還有家門

前嫩柳插一作披仙霞長沾太一壇邊雨暮宿鳳凰城裏鷓

別來三載當誰道門前年年綠陰好春來定解飛雪花雨

後還應庇煙草憶昔當年栽柳時新芽茁茁嫌生遲如今

宛轉拂着地常向綠陰勞夢思不道彼樹好不道此樹惡

試將此意問野人野人盡道生處樂為報門前楊柳栽我

應未歲當歸來縱今樹下能攀折白髮如絲心似灰

隨堤柳

白居易

隨堤柳歲久年深盡衰朽風飄飄今雨蕭蕭三株兩株汴

河口老枝病葉愁殺人曾經大業年中春大業年中煬天

子種柳成行夾流水西自黃河東接集作至淮綠影一千三

百里大業末年春暮月柳色如煙絮集作如雪南幸江都恣

佚遊應將此柳繫一作夾龍舟紫髯郎將護錦纜青蛾御史

直迷樓海內財力此時竭舟中歌笑何日休上荒下困勢

不久宗社之危如綴旒煬天子自言歡樂殊未極豈知明

年正朔歸武德煬天子自言福祚垂集作長無窮豈知後年

皇子封鄴公龍舟未過彭城閣義旗已入長安宮蕭牆禍

生人事變晏駕不得歸秦中土墳數尺何處葬吳公臺下

多悲風二百年來汴河路沙草和煙朝復暮後王何以鑑

前王請看隨堤亡國樹

諒公洞庭孤橘歌

顧况

不種自生一株橘誰教渠向堦前出不羨江陵千木奴下
生白蟻子上生青雀雛飛花簷蔔旃檀香結實如綴摩尼
珠洞庭橘樹籠煙碧洞庭波月連沙白待取天公放恩赦
儂家定作湖中客

洞庭山維諒上人院堦前孤生橘樹歌

釋皎然

洞庭仙山但生橘不生凡木與梨栗真子無松自不栽感
得一株堦下出細葉繁枝委露新四時常綠不關春若言
此物無道性何意孤生來就人二月三月山初煖最愛低
簷數枝短白花不用鳥啣來自有風吹手中滿九月十月
爭破頰金實離離顏色殷一作色殷一夜天晴香蒲山天一作山
生珍木異於俗俗士來逢不敢觸清陰獨步禪起時徒倚
枝前看不足

分柑子歌示諸小

癡男騃女愁殺人偏呼小者大者嗔麤衣糲食盡須一何
况異味兼時新今朝樓下井初熟摘得一筐分不足兒童
豈待父母施自各捻來一作各將獻兄叔就中小女有所翳

梅

王穀

鈔本不空四行

暑日題道邊樹

前人見文粹

火輪迸焰燒長空浮埃撲面愁朦朦
蓬碧樹含清風清風留我移時住
滿地濃陰懶前去却歎人無及物功不似團圓道邊樹

校正五十五字

六月十一日

文苑英華卷第三百三十七

文苑英華卷第三百二十八

歌行八

書

李潮八分小篆歌一首 懷素上人草書歌八首

僧警先草書歌一首 張伯英草書歌一首

陳氏童子草書歌一首 蕭艸草書歌一首

李潮八分小篆歌 杜甫

蒼頡鳥跡既茫昧字體變化如浮雲陳倉石鼓又集作已

訛大小二篆生八分秦有李斯漢蔡邕中間作者寂不聞

嶧山之碑野火焚棗木傳刻肥失真苦縣光和尚骨立書

集作盡非貴瘦硬方通神惜哉李蔡不復得吾甥李潮下筆親

尚書韓釋木騎曹蔡有隣開元以來數八分潮也奄有二

一作灌

子成三人况潮小篆逼秦相快劍長戟森相向八分一字
直百千作金蛟龍蟠拏肉屈強吳郡張顛誇草書草書非古
空雄壯豈知集作如吾甥不流巖丞相中郎丈人行江作東
逢李潮逾作月求我歌我今衰老才力薄潮乎潮乎柰汝
何

懷素上人草書歌

王顛

衡陽雙峽挿天峻青壁嶮嶮萬餘仞此中靈秀衆所知草
書獨有懷素奇懷素身長五尺四嚼湯誦呪吁可畏銅瓶
錫杖倚閑庭班管秋毫多逸意或粉壁或綵箋蒲葵絹素
何相鮮忽作風馳如電掣更點飛花兼散雪寒猿飲水撼
枯藤壯士拔山伸勁鐵君不見張芝昔日稱獨賢君不見

近日張旭為老顛二公絕藝人所惜懷素傳之得真迹崢
嶸蹙出海上山突兀狀成湖畔石一縱又一橫一歌又一
傾臨江不羨飛帆勢下筆長為驟雨聲我牧此州喜相識
又見草書多惠力懷素懷素不可得開卷臨池轉相憶

又同前

戴叔倫

楚僧懷素工草書古法盡能新有餘神清骨竦意真率醉
來為我揮健筆始從破體變風姿一一花開春景遲忽為
壯麗就枯澁龍蛇騰盤獸屹立馳毫驟墨劇奔河滿座失
聲看不及心手相師勢轉奇詭形恠狀翻合宜人人細問
此中妙懷素自言初不知

又同前

朱逵

幾年出家通宿命一朝却憶臨池聖轉腕推峰增崛崎秋
毫繭紙常相隨衡陽客舍來相訪連飲百盃神轉工忽聞
風裏度飛泉紙落紛紛如跼鵞形容脫略真如助一作脫
助心思周遊在何處筆下唯看激電流字成只畏盤龍去
恠狀崩騰若轉蓬飛絲歷亂如迴風長松老死倚雲壁蹙
浪相翻驚海鴻于今年少尚如此歷觀遠代無倫比妙絕
當動鬼神泣崔蔡幽魂更心死

又同前

魯收

吾觀文士多利用筆精墨妙誠堪重身上藝能無不通就
中草聖最天縱有時興酣發神機抽毫點墨縱橫揮一作
風聲吼烈隨手起龍蛇迸落空壁飛連拂一作佛掃數行勢不

一作吃

絕藤懸查蹙生竒節劃然放縱驚雲濤或時顛挫紫毫髮
自言轉腕無所拘大笑羲之用陣圖往來紙盡勢不盡投
筆抗聲連叫呼信知鬼神助此道墨池未盡書已好行路
談君口不容滿堂觀者空絕倒所恨時人多笑聲唯知賤
寶翻貴名疑觀爾向來三五字顛竒何謝張先生

同前

竇冀

狂僧揮翰狂且逸獨任天機摧格律龍虎慙因點畫生雷
霆却避鋒鋌疾魚箋綉素豈不貴只嫌局促兒童戲粉壁
長廊數十間興來小豁胃一作襟氣長幼集賢豪至枕糟籍
麴猶半醉忽然絕叫三五聲滿壁縱橫千萬字吳興張老
爾莫顛葉縣公孫我何謂如熊如羆不足比如虺如蛇不

足擬涵物為動鬼神泣狂風入林花亂起殊形恠狀不坊
說就中驚燥尤枯絕邊風殺氣同慘烈崩槎卧木爭摧折
塞草遙飛大漠霜胡天亂下陰山雪備有一作能事轉新
奇郡守王公同賦詩枯藤勁鐵愧三舍驟雨寒後驚一時
此生絕藝人莫測假此常為護持力連城之壁不可量五
百年知草聖當

同前

魚送謁
徐廣州

蘇渙

張顛沒在二十年謂言草聖無人傳零陵沙門繼其後新
書太字大如斗興來走筆如旋風醉後耳熱心更亮忽如
裴旻舞雙劍七星錯落纏蛟龍又如吳生畫神鬼魑魅魍
魎驚本身鈎鎖相連勢不絕屈強毒蛇爭屈鐵西河舞劍
氣陵雲孤蓬自振唯有君今日華堂看洒落四座喧呼歎
佳作廻首邀余賦一章欲令羨價齊鍾張琅誦句三百字
何似醉僧顛復狂忽然告我遊南溟言析亞相求大名亞
相書翰凌獻之見君絕意必深知南中紙價當日貴只恐
貪泉成墨池

同前

任華

吾嘗好奇古來草聖無不知豈不知右軍與獻之雖有壯
麗之骨恨無狂逸之姿中間張長史獨放蕩而不羈以顛
為名傾蕩於當時張老顛一作老顛殊不顛於懷素懷素顛
乃是顛人謂爾從江南來我謂爾從天上來負顛狂之墨
妙有墨狂之逸才狂僧前日動京華朝騎王公大人馬暮

宿王公大人人家誰不造素屏誰不塗粉壁粉壁搖晴光素
屏凝曉霜待君揮灑今不可彌忘駿馬迎來坐堂中金盃
盛酒竹葉香十盃五盃不解起一作百杯已後始顛狂一
顛一狂多意氣大叫數聲起攘臂揮毫倏忽千萬字有時
一字兩字長丈二翁若長鯨撥刺動海島歛若長蛇戍律
透深草回環繚繞相拘連千變萬化在眼前飄風驟雨相
擊射速祿颯拉動簷隙擲華山巨石以爲點掣衡山陣雲
以爲畫興不盡勢轉雄恐天低而地窄更有何處最可憐
一作連一作裹裹枯藤萬枝一作懸萬枝一作懸拂秋水映秋天
或如絲或如髮風吹欲絕又不絕鋒芒利如歐冶劍勁直
渾是并州鐵時復枯燥何稿穢忽覺陰山突兀橫翠微中

有枯松錯落一萬丈倒掛絕壁感枯枝千魑魅兮萬魍魎
欲出不可何閃屍又如瀚海日暮愁陰濃忽然躍出千里
龍夭矯偃蹇入乎蒼穹飛沙走石滿穹塞萬里颼颼西北
風狂僧有絕藝非數仞高墻不足以逞其筆勢或逢花箋
與絹素凝神執筆守恒度別多筋骨多情趣霏霏微點
長露三秋月照卅鳳樓二月花開上林樹終恐絆騏驥之
足不得展千里之步狂僧狂僧爾雖有絕藝猶當假良媒
不因禮部張公將爾來如何二字一作平安得聲名一旦諠九垓

同前

釋貫休

張顛顛後顛非顛直至懷素之顛始是顛師不談經不坐
一作禪筋骨一作唯於草書妙一作顛狂恐却是神仙有神

助分神莫及鐵石畫兮墨湏入金罇竹葉數斗餘半飲半
傾山衲濕醉來把筆猛如虎粉壁素屏不問主亂拏亂抹
無規矩羅剎石上坐子胥削通八字一作分立對漢高祖勢
崩騰兮不可止天機暗轉鋒芒裏閃電光邊霹靂飛古栢
身中旱龍死骸人心兮目眈眈上呼鬱切下香激切頓人足兮神關
易乍如沙場大戰後斷槍檄箭何狼籍又如深山恠石上
古病松枝掛鐵錫月兔筆天竈墨斜鑿黃金側一作色劉玉
珊瑚枝長大如束天馬矯獍不可勒東却西南又北倒還
起斷復續忽如鄂公捉一作唱住單雄信秦王有上捨着棗
木槩懷素師若不是星辰降瑞必是河嶽孕靈固宜湏冷
笑逸少爭不得醉罵伯英天台古杉一千尺崖崩岸折何

崢嶸或微細僊衣縫綻金線垂或斫媚桃花半紅公子醉
我恐山爲墨海爲水天爲筆兮書大地乃能略展狂僧意
長恨師不相識一見此書空嘆息伊昔張謂任華葉季良
數子贈歌豈虛飾所不足者渾未曾道著其神力石橋被
燒却一作燒良玉不土蝕錐畫沙兮印印泥世人世人莫得
知老師雄名在世間明月清風一作有何極

誓光大師草師歌

前人

雪壓千峯橫枕上窮困雖多還激壯看師逸蹟兩相宜高
適歌行李白詩海上驚驅山猛燒一作海上風吹斷狂煙
著沙草江樓曾見落星石幾回試發將軍砲別有寒鷗掠
絕壁提上玄猿更生力又見吳牛磨角來舞槩盤刀初觸

擊好文天子揮宸翰御製本多推玉案晨開水殿教題壁
題罷紫衣親寵錫僧家愛詩自拘束僧家愛畫亦局促唯
師草聖藝偏高一掬山泉心便足

張伯高草書歌

釋皎然

伯英死後生伯高朝看手把山中毫先賢草律我草在風
雲陣發愁鍾玉須臾變態皆自我寫形類物無不可閤風
遊雲千萬朶驚龍蹙踏飛欲墮更覩鄧林落葉一作朝狂
風亂擾何飄飄有時凝然筆空握情在寥天獨飛鶴有時
取勢氣更高憶得春江千里濤張生奇一作絕再難遇王
今書草古草罷臨風展輕素陰慘陽舒如有道鬼狀魑容
若可懼黃公酒壚興偏入阮籍不嗔嵇亦顧長安酒勝醉

後書此日聘君千里步

陳氏童子草書歌

前人

儒一作書

家孺子有奇名天然文一作大章令人驚僧叟老時

把筆法孺子如今皆暗合颯飛電灑眼不及但覺毫端鳴
颯颯有時作點險且能太行片石看欲崩偶然長掣濃又
燥少室孤松歌一作歌不倒夏室炎炎少人歡山軒日色在闌干
桐花飛盡子規思主人高歌興不至濁醪不飲嫌昏沉欲
翫草書開我襟龍爪狀奇鼠鬚銳冰牋白晳越人惠王家
小令草最狂為予揮灑一作灑驚騰勢一作灑

蕭鄆草書歌

顧况

蕭子草書人不及洞庭葉落秋風急上林花開春露濕花

文苑英華 卷三百三十八
枝濛濛向水垂疑見君數行之灑落石上之松松下鶴若
把君書比仲將不知誰在一作陵雲閣

校正九十四字

六月十二日

文苑英華卷第三百三十八

文苑英華卷第三百三十九

歌行九

圖畫

畫山水七首

畫馬五首

畫牛一首

畫竹一首

畫桃花一首

丹青引一首

山水粉圖

陳子昂

山集作圖之白雲兮若巫山之高丘粉群翠之鴻溶又似

蓬瀛海水之周流信夫人之妙道愛雲山以水幽集作

新畫山水障歌

奉先尉劉單宅作

杜甫

堂上一作不合生楓樹恠底江山起煙霧聞君掃却赤縣

圖乘興遣畫滄州趣畫師亦無數好手不可遇對此融心

神知君重毫素豈但祈岳與鄭虔筆跡遠過楊契丹得非

玄圃圻集作裂無乃瀟湘翻悄然坐我天姥下耳邊已似聞

清猿反思前夜風雨急乃是蒲城鬼神入元氣淋漓障猶

濕真宰上訴天應泣野亭春還雜花遠漁翁暝踏孤舟入

滄浪之水深且闊歌峯側集作岸秋毫末不見湘妃鼓瑟

時至今班竹臨江活劉侯天機精愛畫入骨髓自有兩兒

郎揮灑亦莫比大兒聰明到能添老樹巔崖裏小兒心孔

開貌音邀得山僧及童子若耶溪雲門寺吾獨何為在泥滓

青鞋布襪從此始

戲題王宰畫山水圖歌

前人

十日畫一水五日畫一石能事不受相促逼一作迫王宰始

肯留真跡壯哉崑崙方壺一作文圖挂君高堂之素壁巴陵

洞庭日本東赤岸水與銀河通中有雲氣隨飛龍舟人漁

子入浦淑山水盡亞集作帶洪濤風尤工遠勢古莫比咫尺

應須論集作行萬里焉得并州快剪刀剪取吳松半江水

當塗趙炎少粉圖山水歌

李白

峨嵋西出高極天羅浮直與南溟連名工逸思輝彩筆馳

集作驅山走海置眼前蒲堂空翠如何一作可掃赤城日氣蒼

梧煙洞庭瀟湘意渺綿三江七澤情洄沿驚濤洶湧向何

處孤舟一去迷歸年征帆不動亦不旋飄如隨風落天邊

心搖目斷興難盡又作窮幾時可到三山巔西風崢嶸噴流

泉橫石蹙水波潺湲東岸合沓開集作蔽輕霧深林雜樹空

芊眠集作綿此中冥昧失晝夜隱機寂聽無鳴蟬長松之下

列羽客對坐不語南昌仙南昌仙人趙夫子妙年歷落青

雲士訟庭無事羅衆賓杳然如在丹青裏集作青五色粉圖

安足珍真山可以全吾身若待功成拂衣去武陵桃花笑

殺人

同族弟金城尉叔卿燭照山水壁畫歌 前人

高堂粉壁圖蓬瀛燭前一見滄洲情集作清洪沟波湧一作青字

山崢嶸皎若丹丘隔海望赤城光中乍言集作喜嵐氣滅謂

逢山陰晴後雪迴溪碧流寂無喧又如秦人月下窺花源

了然不覺清心鬼祗將疊嶂鳴秋猿與君對此心一作歡未

歇放歌閑一作行吟達明發却顧海客揚雲帆便欲因之向

滇渤

范山人畫山水歌

顧况

山崢嶸水泓澄漫漫汗汗一筆耕一草一木棲一作妻神明

忽如空中有物物中有聲復如遠道望鄉客夢遶山川身

不行

嵇山道芬上人畫山水歌

前人

鏡中一作湖真僧白道芬不服朱審李將軍淥疑作漫汗平鋪

洞庭水筆頭點出蒼梧雲且看八月十五夜月下看山盡

如畫一作如畫分

韋諷錄事宅觀曹將軍畫馬圖歌

集作引

杜甫

國初已來畫鞍馬神妙獨數江都王將軍得名三十載人

間不集作入見真乘黃曾貌先帝照夜白龍池十日飛霹靂內

府殷紅瑪瑙盤盤作婕妤傳詔才人索盤盤作賜將軍拜舞歸

輕紈細綺相追隨集作飛貴戚權門得筆跡始覺屏障生光

輝昔日太宗拳毛騮近時郭家師子花今之新集作畫圖有

二馬復令識者久嘆嗟此皆騎戰一敵萬縞素漠漠開風

沙其餘七匹亦殊絕迴若寒空雜霞集作動雪霜蹄蹴踏長

楸間馬官廝養森成列可憐九馬爭神駿集作駿顧視清高氣

深穩借問苦心愛者誰後有常諷前支遁憶昔巡幸新豐

宮翠華拂天來向東騰驤一作躍磊落三萬匹皆與此圖筋

骨同自從獻寶朝河宗無復射蛟江水中君不見金粟堆

邊集作前松栢裏龍媒去畫鳥呼風

天育驃圖集作騎歌

杜甫

吾聞天子之馬走千里今之畫圖無乃是是何意態雄且

傑駿尾蕭梢朔風起毛為綠驃集作縹兩耳黃眼有紫焰雙

瞳方矯集作矯然龍性含集作合變化卓立天骨森開張伊昔

太僕張景順考牧攻集作收神監駒閱清峻遂令太奴字天育

別養驥子憐神駿當年四十萬匹馬張公歎其材盡下故

獨馮真傳世人見之座右久更新年多物化空形影嗚呼

健步無由騁如今豈無驥裏與驊騮時無王良伯樂死即

休

梁司馬畫馬歌

顧况

畫精神畫筋骨一團旋風瞥滅沒仰秣如上賀蘭山低頭

欲飲長城窟此馬昂然獨此群阿爺是龍飛入雲黃沙枯
積無寸草一日行過千里道展處把筆欲描時司馬一駟
賽傾倒

八駿圖

白居易

穆王八駿天馬駒後人愛之馮為圖背如龍兮頸如鳥象作

骨聳棘筋高脂肉少集作日行萬里速如飛集作疾穆王

獨乘何所之四荒八極踏欲遍三十二蹄無歇時屬車軸

折趨不及黃屋草生棄若遺瑤池西追集作王母宴七廟經

年不親薦壁臺南與盛姬遊明堂不復朝諸侯白雪雲黃

竹歌聲動一人荒樂萬人愁周從后稷至文武積德累功

世勤苦豈知總及五四代孫心輕王業如灰土由來尤物

則作

不在大能蕩君心即為害文帝卻之不肯乘千里馬去漢

道興穆王得之不為戒千里馬集作八來周室壞至今此

物尚集作稱珍不知房星之精下為怪八駿圖君莫愛

蘇君廳觀韓幹馬障歌

顧雲

杜甫歌詩吟不足可憐曹霸丹青曲直言弟子韓幹馬一作

畫馬無骨但有肉今日披圖見筆跡一作始知甫也真

凡目秦王學士居武功六印名家聲價雄乃孫屈跡寧百

里好奇學古有祖風竹廳斜日奕砮散延我直入書齋中

屹然六幅古屏上歛見胡人牽入天廐之神龍麟鬚鳳臆

真相似秋竹慘慘披兩耳輕勻杏葉糝皮毛細撚銀絲挿

鬃尾思量動步應千里誰見初離渥洼水眼前只欠燕雪

飛蹄下如聞朔風起朱崖謫掾從亡歿更有何人鑒奇物
當時若遇燕昭王肯把千金買枯骨

杜秀才畫立走水牛歌

顧况

崑崙兒騎白象時時鎖著師子頭奚奴跨馬不搭鞍立走
水牛驚漢官江村小兒好誇騁脚踏牛頭上牛領淺草平
田擦過時大蟲着一作鈍幾落井杜生知我戀滄洲畫作
一障張床頭八十老婆拍手笑妬他織女嫁牽牛

畫竹歌

白居易

恊律郎蕭悅善畫竹舉時無倫蕭亦甚自秘重有終歲求
共一竿一枝而不得者予天與好事忽寫一十五竿惠然
見投予厚其意高其藝無以答貺作歌以答集作報之凡一

百八十六言歌

三字集小舉時文粹作

植物之中竹難寫古今雖畫無似者蕭郎手下集作下

獨逼真丹青已集作來唯一人人畫竹身肥擁腫蕭畫莖

瘦節節竦人畫竹梢死羸垂蕭畫枝活葉葉動不根而生

從意生不笋而成由筆成野塘水邊碕岸側森森兩叢十

五莖嬋娟不失筠粉態蕭颯畫得風煙情舉頭忽看不似

畫低耳靜聽疑有聲西叢七莖勁而徒省向天竺寺前一作

邊石上見東叢八莖疎且寒憶魯湘妃廟裏雨中看幽姿

遠思少人別與君相顧空長嘆蕭郎蕭郎老可惜手戰眼

昏頭雪色自言便是絕筆時從今此竹尤難得

觀脩處士畫桃花圖歌

裴諧

一從天寶王維死于今始遇脩夫子能向鮫綃四幅中
青暗與春爭工勾芒若見應羞殺暈綠勻紅漸分別堪憐
彩筆似東風一朶一枝隨手發燕支乍濕如含露引得嬌
鶯癡不去多少遊蜂盡日飛看遍花心求入麤功工夫妙麗
實絕奇似對韶光好時節偏宜留著待深冬鋪向樓前
殫霜雪

丹青引贈曹將軍霸

杜甫

將軍魏武之子孫於今為庶為清門英雄割據皆集作已
矣文精彩風流猶尚存集作今尚存學書初學衛夫人但恨無
過王右軍丹青不知老將至富貴於我如浮雲開元之年
常引見承恩數上南薰殿陵煙功臣少顏色將軍下筆開

一作

生面良相頭上進賢冠猛將腰間大羽箭褒公鄂公毛髮
動英姿颯颯猶集作颯爽來酣戰先帝天馬玉花驄畫工如山
貌不同是日牽來赤墀下迴立閭闔生長風詔謂將軍拂
絹素意匹慘淡經營中斯須九重真龍出一洗萬古凡馬
空玉花却在御榻上榻上庭前屹相向至尊含笑催賜金
圉人太僕皆惆悵弟子韓幹早入室亦能畫馬窮殊狀集作
相幹唯畫肉不畫骨忍使驂驪氣凋喪將軍畫善蓋有神
必逢佳士亦寫真即今漂泊干戈際屢貌尋常行路人途
窮返遭俗眼白世上未有如公貧一作他富至今吾徒貧但看古來
盛名下終日坎壈纏其身

校正八十有一字

文苑英華卷第三十九

文苑英華卷第二百四十

歌行十

雜贈

江惲一首

任華二首

杜甫四首

李白一首

張謂一首

崔顥一首

王季友三首

僧鸞一首

贈袁洗馬篇見二百六十六卷

江惲

雜言贈杜拾遺果稱又立集作相隨相就任華

杜拾遺名甫第二才甚奇任生與君別別來幾多時何曾

一日不相思杜拾遺知不知昨日有人誦得數篇黃絹詞

吾恠異奇特一作其特異借問果稱是集作果然稱杜二之所為勢

櫻虎豹氣騰蛟螭滄海一作無風似鼓蕩華岳平地欲奔

馳曹劉俯仰慙大敵沈謝遠巡稱小兒昔在帝城中盛名

君一箇諸人見所作無不心膽破即官叢裏作狂歌丞相

閣中常醉卧前年皇帝歸長安承恩闊步青雲端積翠扈

遊花匝匝披香寓直月團樂英才特達承天睠公卿誰不

相欽羨只緣汲黯好直言遂使安仁却為椽如今避地錦

城隅幕下英寮每日相隨集作提玉壺半醉起舞將髭鬚

乍低乍昂傍若無古人制禮但為防俗士豈得為君設之

乎而我不飛不鳴亦何以只待朝廷有知己亦曾讀却無

限書拙詩一句兩句在人耳如今看之擦無益又不能崎

嶇傍朝市且當事耕稼豈得便從爾南陽葛亮為友朋東

山謝安作隣里閑常把琴一作泡琴弄悶即携樽起鶴啼二月

三月時花發千山萬山裏此中幽廣無人知火急將書憑

驛吏為報杜拾遺

雜言贈李白有奔逸又文集作有能奔逸大鵬集作大鵬前人君還集作君也

古來文章有奔逸氣聳高格清人心神驚人魂魄我聞當

今有李白大鵬賦鴻猷文嗤長卿笑子雲班張所作瓌細

不入耳未知卿雲得在嗤笑限否登廬山觀瀑布海風吹

不斷江月照還明余愛此兩句登天台望渤海雲垂大鵬

飛山壓巨鼇背斯言亦好在至於他所作多不拘常律振

起擺騰既俊且逸或醉中掃紙或乘興走筆手下忽

然一作片雲飛眼前劃見孤峯出而我有時白日忽欲睡

然一作片雲飛眼前劃見孤峯出而我有時白日忽欲睡

覺之不覺歎然起攘臂任生知有君君還知有任生未中
 間聞道在長安及余戾止君已江東訪元丹邂逅不得見
 君面每常把一作酒向東望良久見說往年在翰林曾中
 才戟何森森新詩傳在宮人口佳句不離明主心身騎天
 馬多意氣目送飛鴻對豪貴承恩詔入几幾迴待詔歸來
 仍半醉權臣妬盛名群犬多吠聲有勅放君却歸隱淪麴
 高歌大笑出關去且向東山為外臣諸侯交逐馳朱輪白
 壁一雙買交者黃金百鎰相知人平生傲岸其志一無此
 不可測數此一字無十年為客未會一日低顏色八詠樓中坦
 腹眠五侯門下無心憶繁花越臺上細柳吳宮側綠水青
 山知有君白雲明月偏相識養高兼養閑可見不可攀莊

周萬物外范蠡五湖間又聞一作訪道滄海上丁令王喬
 時一作還往蓬萊經是曾到來方丈豈唯方一丈伊余每
 欲乘興遠相尋江湖擁隔勞寸心今朝忽遇東飛翼寄此
 一章表曾臆儻能報我一片言但訪任華有人識

入奏行贈竇侍御時統西山 杜甫
檢察使

竇侍御驥之子鳳之雛年未三十忠義俱骨鯁絕代無烟
 如一段清水出萬壑置在迎風寒露之玉壺拓一作漿歸
 厨金盃凍洗滌煩熱足以寧君軀政下國杜詩用踈通合
 典則戚聯豪貴耽文儒甲兵集作未息人未蘇天子亦念
 西南隅吐蕃憑陵氣頗麤竇氏檢察應時須一作才運糧
 繩橋壯士喜斬木火井窮集作猿呼八州刺史思一戰三

城守邊却可圖此行入奏計未小密奉聖主集作恩宜殊

繡衣春當下氏註霄漢立綵服日何下氏註庭闈趨一有

人所仰飛騰作省即京尹必俯拾江花未落四字下氏還成注作多暇

都携酒肯訪浣花老為君着衫捋髭鬚十四字一作肯訪

醉酒滿眼酷與奴白飯馬青芻

徒步歸行贈李特進借馬自鳳翔往鄭州前人

明公壯年值時危經濟實藉英雄安國之社稷今若是武

定禍亂非公誰鳳翔千官且飽飯衣馬不復能輕肥青袍

朝士最困者白頭拾遺徒步歸人生交契無老少論心集

交何必先同調妻子山中哭何天湏公櫪上追風驄

此詩三百五十卷重出今已削去

贈嚴二別駕相逢集作歌 前人

我行入東川十步一回首成都亂罷氣蕭瑟浣花草堂亦

何有梓中下氏註豪貴下氏大者誰本州從事知名久把

臂開樽飲我酒酒酣擊劍蛟龍吼烏帽拂塵青螺下氏註

注作粟紫衣將炙緋衣走銅盤燒蠟光下氏註吐日夜如

何其初促膝黃昏始扣主人門誰謂俄頃下氏註膠在漆

萬事盡付形骸外百年未及集作歡娛畢神傾意豁真佳

士父客多憂今愈疾高視乾坤又可下氏註愁一軀交態

何悠悠垂老遇君未恨晚似君湏向古人求

贈裴施州 前人

廊廟之具裴施州宿昔一逢無此流金鍾大鏞在東序冰

壺玉衡集作懸清秋自從相遇減集作多病三歲為客寬

邊愁竟有四岳明至理漢二千石真分憂幾度寄書白監

北苦寒贈我青絲集作裘霜雪回光避錦繡蛟龍集作動

篋蟠銀鈎紫衣使者辭復命再拜故人謝佳政將老已失

子孫憂後來况接才華盛遙憶書樓碧池映集無此句

憶舊遊贈集作誰譙郡元參軍 李白

憶昔洛陽薰糟立為余天津橋南造酒樓黃金白壁買歌

笑一醉累日集作輕王侯海內賢豪青雲客就中與君一作

一遇又心莫逆廻山轉海不作難傾情创意無所惜我何

淮南攀桂枝君留洛北愁夢思不忍別還相隨相隨迢迢

訪仙城三十六曲水廻縈一溪初入千花明萬壑度盡唯

松聲銀鞍金絡到平地漢東太守來相迎紫陽之真人邀

我吹玉笙餐霞樓上動仙樂嘈然宛似鸞鳳鳴袖長管吹

欲輕舉漢東集作太守醉起一作舞手持錦袍覆我身我

醉橫眠枕其股當筵意氣陵九霄星離雨散不終朝分飛

楚關山水遙余既還山尋故巢君亦歸家一作思歸渡渭橋君

家嚴君勇貔虎一作武一作作尹并州遇戎虜五月相呼度太行

摧輪不道羊腸苦行來京北一作京一作歲月深感君貴義輕黃

金瓊盃綺食青玉案使我醉飽無歸心時時出向西城集

城曲晉祠流水如碧玉浮舟弄水簫鼓鳴微波龍鱗莎草

綠興來携妓恣經過其若楊花似雪何紅粧欲醉宜斜日

一作如百尺清潭寫翠蛾翠蛾嬋娟初月輝美人更唱舞

花落

朱明

羅衣清風吹歌入空去歌曲自繞行雲飛此時歡行一作樂
難再遇西遊因獻長楊賦北闕青雲不可期東山白首還
歸去渭水橋南集作渭一遇君鄴臺之北又離羣問余別
恨今多少集作鸞飛求落花春暮爭集作送紛紛言亦不
可盡情亦不可極集作情亦不可盡呼兒長跪緘此詞寄
君千里遙相憶

贈喬林

張謂一作劉春虛

去年上策不見收今年寄食仍淹留羨君有酒能便醉羨
君無錢能不憂如今五侯不愛文粹待客羨君不過文粹問集作
愛五侯宅如今七賢方自尊羨君不過七賢兩用七賢本皆作七賢
門人生集作大夫會應有知己世上悠悠何足論

此詩三百五十三卷重出前已削去

贈王威古

見二百五十卷

崔顥

代賀令譽贈沈千運

見二百五十二卷

玉季友

滑州贈崔士灌

前篇作高士

見二百三十卷前人

贈李十六岐

一作酬見二百十四卷

前人

贈李粲秀才

字輝

僧鸞

隴西輝冊真才子搜竒探險無倫比筆下銛磨巨闕鋒胸

中靜艷西江水哀絃古樂清人耳月露溥溥激一作激秋

鬼谷地無塵到曉吟杉松老葉風乾起十軸示余三百篇

金碧爛光燒蜀牋雄芒逸氣測不得使我躑躅成狂顛大

郊遠瀾空無邊疑明淡綠收餘煙曠懷相對景何限落日

亂岑清倚天又驚大舶帆高懸行濤擊浪陵飛仙回首瞥
見五千仞撲下香爐瀑布泉何事古人誇八斗焉敢今朝
定妍醜颯風驅雨暫不停始向場中稱大手駿如健鶻鷄
與鷗拏雲獵野翻重霄孤狸竄伏不敢動却下雙鳴當迅
颯愁如湘靈哭湘浦咽咽哀音隔雲霧九疑深翠轉巍巍
仙骨寒消不知處清同野客敲越甌丁當急響涵清中一作
愁鸞雛相引叫未定霜結夜闌仍在樓高若太空露雲物
片白激疑青皆髣髴仙鶴閑從淨碧飛巨鼇頭戴蓬萊出
前輩歌詩唯翰林神仙老格何高深鞭馳造化繞筆轉燦
爛不為酸苦吟夢乘明月清沉沉飛到天台天姥岑傾湖
湧海數百字字字不朽長縱金此日移一作君可儔侶堆

珠疊璣滿玄圃終日並轡遊崑崙十二樓中宴王母

校正八十字

文苑英華卷第三百四十

終

六月十二日沅叔識

